

清江縣人物志

名賢列傳

宋

劉式字叔度南唐進士第一人事宋太祖太宗歷官  
三司都磨勘司淳化中奉使往諭三韓酋長歸化轉  
太嘗博士賜御書法帖十六軸終刑部郎中五子長  
立本字道夫咸平三年進士歷官至壽州下蔡令早  
卒次立言字禹昌天禧三年進士歷九官皆以治行  
聞次立之立德別有傳立德祥符八年進士  
劉立之字斯立式第三子祥符元年進士連江尉累

清江縣志

卷之二  
人物

官湖北路轉運使坐事免起知漣水軍會西南蠻獠  
叛諸路請益兵上問立之因備言可蓄不可捕狀從  
之卒如其議尋遷益州路轉運使子敞效號臨江二  
劉

劉立德字寬叔式第四子天聖二年進士累官光祿  
卿會旱䟽成湯六事今驗有二杜衍范仲淹富弼韓  
琦授以大柄歐陽修孫甫列之從官譖言一入  
明黨忠不見信道不見用非所以辨邪正求治道也  
乎讒夫昌民失職也不報五世孫靖之清之

劉敞字原父慶曆間進士第二通判蔡州召試學士

院判吏部南曹考功夏竦薨謚文正上疏言竦行不  
應法凡三上更之時兩制諸公多求外補敞疏言  
臣正臣之分上悟留歐陽修等遷右正言知制誥  
者石全彬以勞遷宮苑使三日除觀察使敞封還詞  
頭命遂止尋使契丹還知揚州徙知鄆州兼京東西  
路安撫使召還修玉牒知貢舉會祫享宰相率百官  
上尊號敞上疏言陛下尊號旣云體天法道欽文聰  
武神聖孝德盡善極美復加大仁不足增光而曰至  
治有若自矜今百姓多困賢不肖混殺未可謂至治  
然則讓而不居於聖德彌高矣帝覽奏頷侍臣曰我

意本爾遂不受敞于是忤時相力求補外出知永興  
軍未幾召還判三班院嘗侍英宗講讀指事據經因  
以諷諫時兩宮微有郤諫者頗過訐敞進讀史記至  
堯授舜以天下拱而言曰舜至側微堯禪以位天地  
享之百姓戴之非有他道惟孝友之德光於上下耳  
帝竦體改容敞積苦眩瞶許告帝素重敞每燕見他  
學士必問敞安否大官進新橙輒賜之乞疾出知汝  
州尋改集賢學士判南京御史臺累官給事中階朝  
散大夫勲上輕車都尉爵彭城郡開國公食邑二千  
一百戶實封三百戶年五十卒于宮敞諡曰廣博無

遣進士李植獻金帛及本司錢穀之在濟州者以助軍費張邦昌僭位遣人持勅書問家安否子諲檄郡守拘之以俟王命邦昌又使其甥劉達齎手書來子諲不啟封焚之繫達於獄遣將王儀統勤王兵至城下奏曰去歲劉順奉淵聖蠟詔令監司帥守募兵勤王臣卽檄所部而六路漠無應者惟淮東一路臣親率諸司粗成紀律然猶有占恠莫肯供億陛下欲急天下兵而諸路恬不知畏將何恃以濟艱難哉願詔大臣劾諸路監司悉加顯黜不報九月爲黃潛善斥罷起復知潭州潭禁卒爲亂縱火掠市子諲遣通判

孟彥卿等追及攸縣平之金人破江西移兵湖南子諲聞警率軍民以死守時宗室成忠郎聿之隸東堂子諲巡城頽謂曰君宗室不可效此曹苟簡聿之感激流涕金人圍八日登城縱火子諲率官吏奪南定門遁城陷坐失守落職罷尋以轉運副使賈收言詔復職紹興元年移鄂州又起知廣州年四十八卽致政紹興六年召對易兩浙運使高宗親書薊沐二字賜之八年自戶部侍郎出守平江會金使詔諭江南至平江子諲不拜詔且言和議之非忤秦檜而致高宗嘉獎贈詩有孤風厲俗之爽自是隱居

年積致仕俸捐入郡庠建經史閣又以監書數百  
卷充入之胡公銓爲之記紹興二十二年贈太師  
向澹字伯海子諲長子嘗請淮寧鄉舉知興國軍頗  
年大旱賑濟有功以薦加秩一等

向溥字伯源子諲仲子嘗從五峰胡先生講學靜重  
端恪綽有典刑自倅邵陽卽謝事歸朱子作薌林詩  
贈之

向士虎字伯虎子諲孫蔭茂名尉不就乞祠先是士  
虎父任興國軍軍什五暨卒守者納還其半士虎  
不受特添差吉判官固辭再授嵩祠請納祿以文

稀鄴致仕所著有桂隱集

李邈字彥思蔭太廟齋卽歷陝西路運判乞復陝西  
鈔法以實邊收益鐵以便民忤童蔡斥判南康軍遷  
知霸州克克使陶悅曰國家誤信奸臣  
結好女女山後地社稷安危以之吾曹  
寧歛當以實告使還重貫嬰邈附已邈上言契丹不  
可滅狀坐免方臘反起邈江淮兩浙制置司管當公  
事方臘平命守睦州先是調發陝兵征臘員議聞軍  
散燕邈曰臘小寇一呼屠七州四十縣竭數路力始  
平天以此警警也可移之北乎因勸貫省邊圖

用邈遂請老貫克燕奏邈知潞易二州皆辭歎曰禍自此始矣金人犯京七詔趣起就道於是姚平仲戰失利京師震動邈因言种師道宿將重名久奪敵志俾專閫外必能以國爲己任上稱善屬耿南仲王和不合授右文殿修撰京畿轉運使不拜內侍梁方平歿以邈代之軍威豐門和議成邈請重兵絕其後俟其勢分伺便急擊功可就也不聽金人猶次牟駝岡詔邈爲京城西壁守禦使邈復請乘敵半渡擊之不爾貽後患議復格二疏乞致仕不允改主管馬軍公事權樞密都承旨出爲河北西路制置使措置山西

塘灣屯田弓箭手事邈論塘灣不可爲奪制置使左遷提舉保甲仍領措置司又論不已奪觀察使尋守真定復拜青州觀察使知府事諭民出粟募兵爲死守計金人再至邈乞師宣撫司聞道蠟書上聞皆不報被圍四十日城陷被執幹離不協邈拜不從以火燎其鬚不顧囚燕山欲授邈知滄州邈論曰天下之勢强弱無嘗特吾中國會逢其適汝不以此時歸帝兩河地歲取重幣乃恃強濟惡不亦速死乎金人怒勒邈被髮左衽邈厲聲詬罵金人搯其口猶吮血噴之翼日遇害將死顏色不變南向再拜端坐就

事關增損化節度使謚忠壯

彭龜年字子壽七歲而孤奉母盡孝性穎異游心經學從張剛軒朱晦菴遊乾道五年進士宜春尉安福丞乞祠除太學博士徙太府兼魏王府教授進秘書郎兼嘉王府直講光宗不見重華宮龜年上疏言極痛切從之尋除起居舍人人謝光宗曰此官以待有學識人念非卿不可龜年退述祖宗之法爲內治聖鑑以進帝稱善龜年因奏臣所居之官以記汪人君言動爲職車駕不過宮問安臣書者數十矣恐不足示後有旨幸玉津園龜年奏不奉三宮而宴遊非禮

清江縣志

卷之七

十一

又云陛下誤以臣乞嘉王府講讀官正欲臣教以君臣父子之道臣聞有身教有言教陛下以身教臣以言教言豈若身之切哉紹興五年五月壽皇疾大漸龜年連三疏請對不報上祝朝龜年伏地叩額流血光宗曰卿素忠直玆欲何言龜年奏今日無大於不遇臣帝曰卿言是也龜年因言陛下屢許臣矣但既入宮則內外不通臣寔痛心同知樞密院余端禮曰叩額龍墀曲致忠懇臣子至此爲何已耶上首肯之壽皇崩憲宗受禪召對擬起居劄子乞日進一本又與胡善黃裳同奏往朝北內因定過宮之禮

等府事辭乞終養歸性喜寫墨梅爲海內所珍重別號梅雪翁年八十二卒

嚴玄字茂芳洪武庚午舉人治書經魁第三任永春縣教諭閩中稱爲安定先生擢典部曹乞休母孀居疾篤所以身代祿入不私義田迄今爲利寒吏部崇嘉其清節云著有悟中集書經與義富春詩集

傅舟字子楫洪武己卯舉人授蘄州學正永樂中與修五經四書性理大全

杜觀字公儼嘗痛其父早世作思嚴堂以示不忘廬陵曾榮有文記之永樂元年以春秋領鄉薦任濟陽

清江縣志

卷之七

二十三

縣儒學教諭 修五經四書性理大全

楊燦永樂甲申進士改翰林庶吉士入文淵閣預纂述歷任御史立朝有風裁爲時嚴憚

裴侃字俊傑永樂辛卯舉人從梁石門遊教諭桂東歷國子助教三典省試人材多所造就嘗疏顏魯思孟父子人倫以正祀典又疏王府官寮考課以公勸懲皆有關于世教

黎恬字濟輝永樂十年進士授陝西道監察御史會求直言恬疏詆大臣不法權要側目出知交趾南靈州尋以楊文貞公薦擢右春坊右諭德與修

直寶章閣謚文憲洽自少用力于敬故以學一  
學者稱主一先生居閒不言朝廷事或因災異變故  
輒輦感不樂及聞君子進用士大夫直言朝廷得失  
則喜動顏色所交皆名士如呂祖謙黃幹真德秀魏  
了翁皆敬慕之所著有春秋集說春秋集傳左氏棠  
求續通鑑長編事畧歷代地理沿革表文集合  
若干卷

徐夢莘字商老其父世亨南渡守臨有善  
政以病卒於官因家焉夢莘登紹興二十四年進士  
令湘陰潭帥根括江湖田強民增賦旁邑望風應之

清江縣志

卷之七  
人物

夢莘曰邑無新田稅何從出帥怒摺撫其過莫能得  
因器重之尋主管廣西轉運司文字會朝議更二廣  
鹽法遣安撫胡廷直與漕臣議西漕王正已檄夢莘  
詢利害夢莘謂廣西阻山止當仍舊法則言不及  
民廣東諸郡並江或可容客販求宜遽以二廣槩行  
議與廷直不合改知賓州以朝散大夫致仕未幾二  
廣商賈毀業民苦無鹽詔復從官般法夢莘嘗念靖  
康之亂爲三朝北盟會編自政和丁酉迄紹興辛巳  
四十五年合三百五十卷及修高宗實錄史臣奏其  
書有旨加直秘閣辭曰書本不爲進身計也與其弟



得之學兼師友時稱二徐先生所著有北盟集補三十卷讀書記志集醫錄集仙錄合若干卷

徐得之字思叔淳熙十一年與其子筠同科進士歷仕州縣開禧初次子天麟登第遂以通直郎致仕嘉定中特轉朝請郎所著有左氏國紀二十卷史記年紀鼓吹詞柳江志叢筆畧若干卷

徐筠字孟堅攸縣簿尋判潭州會峒寇起筠城守嚴備不敢犯擢知全州上裕民五事乞免本州和糶從之所著有漢官考四卷周禮微言姓氏源流諸書

徐天麟字仲祥撫州教授遷武學博士論對言人主

當持心以敬通判惠潭二州權英德府所至興學明教有惠政著有兩漢會要七十卷漢兵本末一卷西漢地理疏六卷山經三十卷既謝官作亭蕭灘之上畫巖于陵像事之

胡向皇祐元年進士袁州司理河南府軍巡判官歷大理審刑院詳議權大理卿出判越州奏課爲天下第一子靜字應侯武舉試秘閣第一從西師入夏有功加閣門祗候遷秦州東路蕃漢巡簡

傅燮字志康嘉祐二年進士熙寧中繇幕府累遷少府少監專劇郡所至有聲尤博學藏書萬卷於家

傅雱字彥濟重和元年進士高崇初相李綱薦雱可  
使虜假工部侍郎充通問使行華詔止之授朝奉郎  
尚書考功員外郎  
袁震字時敷少罹兵革負米養親力學不倦紹興初  
屢困場屋郡秀多游其門後舉進士至武岡簿人咸  
師尊之再調吉水丞未赴而卒

劉荀字子卿嘗從胡寅張九成學授言皆識於簡題  
曰思問記淳熙中令餘干改通判德安知盱眙軍胥  
吏與僧爲奸互市法乾浚盡荀至通商謀入美會詰  
黠竊挾禁物者竟中飛語罷祠起知沅州卒所著政

規明本廬右記文源癡兒錄德安守禦錄都梁記問  
邊防指掌圖南北聘使錄總志十六卷

陳琦字澤之少力學嘗從張栻游乾道二年進士初  
至衡陽簿繁重寬濶暇荒林植民皆總之遷贛縣丞  
與國丞相留正鎮蜀辟主簿總宣文守事無鉅  
細多資焉所著有鬼齋集

李綱字濟州乾道五年進士歷官化令房陵通判知  
宜州歸於建清江上流桐澗統衆募民田率二千頃  
極按故法築堤防之自是五都之民皆成上股卒所  
著有遺文卷

朱景文字元成讀書蒐獵該貫爲文立就雄贍豪爽  
如其人登乾道五年進士爲州司戶調分宜簿卒所  
著有北鱗稿五十篇文集四十卷

蔡浩然字養正乾道八年進士繇戶曹兩爲郡博士  
改知安化邑抵溪峒素號難治視篆未幾去猾吏抑  
豪強溪峒悉安用薦授南安通判尋以疾奉祠子鑑  
武舉出身武翼郎次子鉉通直郎

王采字少白寶慶二年進士江陵錄事參軍以功改  
奉議郎淮南節度判官元兵逼濠李制置處芝檄  
監軍力戰解圍濠平除濠州通判子選字少登嘉慶

清江縣志

卷之七  
人物

三年進士零陵簿會東安盜起帥檄督捕平之特差  
湖北帥幹尋改知醴陵所著有草窓文稿

王札字季朋采之弟以門蔭歷沿江制閫幕以能擢  
守竟陵時襄陽失守郡當要衝兩被重圍竭力固守  
人皆效死敵不能攻卒完城轉朝請郎

傅實之字莊父寶慶二年進士調分宜簿以母年八  
十不就職弟謙之字溫父嘉泰四年鄉舉亦以母老  
不赴後人名其地爲慶壽里淳祐中謙之獻八箴十  
事稱旨授承事郎所著有春秋幼學記實之有南齊

錄

聶嘉字愚仲幼貧而嗜學寶祐乙卯拔解丙辰進士授贛縣尉時北兵瞰上流所在傾洞凡設烽燧築柵柵諸事皆身任之民賴以全縣有殺人者無主名以數人姓名下尉捕嘉疑而釋之獲其真者以報有讐民相屠至百人悉致于庭坐而曉譬之皆相頌自責曰尉活我也改臨安司理有巨獄數年不決悉得姦狀立正典刑尋辟浙西帥司授宣教郎知瑞金縣卒居官行事纖悉必記而養廉微俸亦別籍自識嘗曰事不可對人言者不可書則吾不爲之矣貨之悖而入者不可記則吾不有之矣所著有儒宗友錄仕學

清江縣志

卷之七  
人物

十九

心錄等書

徐卿孫字麒仲景定三年進士善化簿擢監察御史轉右正言進見即以厲人才飭軍政結民心三事爲言襄陽陷賈似道蒙蔽不正僨軍之罰卿孫疏論反覆累數十百言乞援李芾文天祥不報尋拜兵部侍郎兼江西轉運未幾北兵渡江御史中丞陳過庭等相繼走公獨謂人曰自古無走臺諫宋亡後五年卒所著奏疏文集三十卷

黃祁字希宋少孤力學自奮以能敏稱累舉對策入高等調高安簿邑壯事繁令多分委予奪民德之所

著有德菴類稿三十卷詩稿二十卷集錄十卷

元

范梈字德機一字亨父少孤貧母熊氏守義躬自教  
之年三十六始遊京師以薦舉克翰林編修官歷官  
翰林應奉改福建廉訪知事閩俗淫巧紋繡局多良  
家女梈為作歌以述其弊上聞弊遂革天曆初授承  
務郎湖南廉訪司經歷以養親不赴尋遭母喪遂相  
繼卒梈精修苦學砥礪名節至治泰定以來文章復  
古梈力居多草廬吳澄嘗稱其特立獨行有東漢諸  
君子風工篆隸兼善書長於詩與虞集楊載揭傒斯

清江縣志

二十

齊名時號虞楊范揭有蕤然東方海康豫章侯官江  
夏百丈等稿總十二卷

皮縉字昭德以父蔭補邵陽丞廉潔有惠政秩滿歸  
家兩召不起又再召起為平江州判官嘗從草廬吳  
澄游得其要領澄為撰尊德性道問學齋記所著有  
北游雜咏

張理字仲純少刻勵讀書長從杜本於武夷舉茂行  
異等泰寧儒學教諭勉齋書院山長進福建儒學副  
提舉嘗演易十有五圖以明天道自然之象名易  
圖說貢師泰序其書以傳季子子定洪武間以貢

行人奉使西蜀公私無所擾蜀人贈以詩曰將軍  
點行裝物惟有連雲棧道圖其清謹類如此  
朱誼立字仁昭天曆間蒙古譯史出爲南雄路推官  
歷南寧路總管卒誼立居已甚謙退鄰人無少長皆  
稱之人無間言

徐基字仕崇得之入世孫少有才名學問草廬  
吳澄嘗示以爲學之方元統間用薦爲書院山長歸  
歸所著有玲瓏窓吟稿

裴夢霆字應祥性孤潔嘗築室南郊儲書數千卷扁  
曰原南艸堂日與郡人彭聲之楊伯謙章講學賦詩

清江雜事

卷之七  
人物

三十一

舉正辛卯進士授江浙儒學副提舉未行壬辰兵  
變集義兵備禦未幾卒所著有鳴秋稿

國朝

張九韶字美和號吾樂幼穎異該博經史元末隱不  
仕與同郡梁寅曾魯齊名洪武三年辟爲本邑教諭  
十年召陞國子助教遷翰林編修居官純誠質直最  
被知遇日侍燕閒十三年四月致仕

上親爲文賜之曰朕觀古之賢士莫不脩己行而爲時  
君之用否則獨善其身以終天年或著書立言傳之  
後世不顯於當時而光於後世以其德重而行純

學博而言信也今老成前儒凋落無幾獨爾以衰暮之年日侍朕左右正欲詢問古今典禮以沃朕心柰何思鄉歸老邨之去矣朕將誰從於戲千載一遇古今之逸言然全於始終者罕矣今邨善始善終不惑美乎詞極眷注年八十三卒于家所著有理學類編八卷群書備數十二卷及元史節要吾樂山房稿公守愚題張氏家藏初書後有云庚午四月十日有翰林權編修之命以此所載年月不合又按隆慶郡志載公新淦人非光又云聘同考會試者二典會試者四得人最盛末年復召教書翰林書成賜衣被各一襲遣歸皆舊志不載附識于此

聶鉉字器之洪武四年進士廣宗縣丞入境問父老

清江縣志

卷之七  
人物

三二

曰民疾苦何為劇對曰連歲旱蝗食乏役繁此為劇鉉嘆曰民病而上不聞非事君也即以聞

上遣使視之悉蠲其稅入覲上洪武聖德詩南京賦轉翰林待制乞老不許遷典籍改國子助教尋賜歸洪武十八年召考會試授廬陵教諭卒有文集

徐永錫字仲止得之九世孫早從外祖黎立武及草廬吳澄遊篤志問學以貢授教授卒

徐敬字敬仲洪武中以貢授監察御史言事忤旨而黜為令一謫戍邊尋擢春坊復出為太平守恤民隱興教化水旱禱輒應秩滿民懇留之詔加三品

討平江外東山二酋夷患永息尋陞江東總督  
所著有善多堂集小學約抄廣西州志古文苑等  
書藏于家

彭而珩字韞白幼孤事母至孝萬曆庚辰成  
進士爲汀州司理決獄平恕署府篆有廉稱擢去  
御史奏疏務持大體爲民與便利巡視下江值戊子  
大稔吳民災疏請捐賑復奏請江楚二省改折俱報  
可視屯政以贖緩千金留入社倉轉憲副海南以  
海不便將母乞休改入閩尋乞終養歸著閩汀集白  
下吟南臺奏疏遺稿子元祚進士

清江縣志

卷之七  
人物

七

黃之俊字君顯萬曆丙戌進士除海鹽令政尚清簡  
有訟者輒自諭解之會海塘傾圮邑幾沼乃躬自督  
葺時歲儉帑虛凡經理七閱月告成以內艱行服除  
遂不仕林居四十年恒不喜入城市所居濱湖植柳  
人以爲有陶令之風焉

熊鎮字華卿萬曆壬辰進士授刑部主事恤刑山東  
著讞疑錄陞員外郎會科臣有言倭事和議不便  
忤旨下部鞠公力爲申救同官皆得罪公左遷南  
京大理寺評事泰昌改元卹贈光祿寺寺丞  
黎祖壽字收濫繇選貢中式登萬曆癸丑進士



宣廟實錄進講經筵以展墓歸卒所著有觀過稿

劉翔字虛谷宣德己酉舉人衡山縣儒學教諭遷國子學錄景泰初上中興詩及神禹成功洪範九疇二雅請立宗廟以準古七廟制事下禮部議不果進翰林簡討

黃廟復辟

憲皇登極再疏宜建七廟各具樂章郊祀視學慶成皆當作雅樂革元舊制

上召至文淵閣命與大學士李賢議翔曰禮樂百年可興茲其時矣事竟寢成化間進儒林郎食六品俸致

清江縣志

卷之七  
人物

二十四

仕翔嘗著奇門遁甲兵機書二十卷上之又著學庸章句總圖四書講義易書考詩春秋口義禮記說類稿奏疏總若干卷

陳安字處善永樂辛丑二甲第一任禮部主事遷吏部文選司郎中以忤權璫出知濟南府有惠政門生有爲臨守者欲爲更造其居辭不可著有東洲集孫郁字勝文永樂間應貢入京以監冑與選風憲官御試高等除刑科給事中有古諫臣蹇譔風當直論囚奏讞疑獄數十人恤刑湖廣多平反

聖駕將北征當扈從以營寮友陳英喪失班坐謫桂陽

判在桂雨暘應禱怪石倚江爲險祈雷震之如響民  
爭立祠祀之陞雲南五井監課提舉致仕歸身無長  
物家居督耕而食自號歸耕叟壽百歲卒

完顏章字美玉金之後景泰庚午舉人任雲南呈貢  
縣知縣新學宮造士夷俗頓革服闋補英山縣奸黨  
高貴等每持官府短長悉捕之陞知崖州至則出株  
連者數十人歿刑非罪者一人修禮飭武徭峒慕化  
占城國貢者每以私市擾民出令禁之旣而其酋叛  
國以四千人來歸公議廩送還國在任八年乞歸公  
性清白微介而負經濟才故每處盤錯有聲

彭綱字性仁成化戊子解元乙未進士授兵部主事  
上封事劾妖僧繼曉出知汝州鑿渠引水灌田數千  
畝世爲民利尚書白鉞有記擢河南按察僉事陞雲  
南提學副使以公明稱家居以文行引掖後進志于  
多程式之所著有雲田集

孫治字五美成化辛丑進士知臨淮縣守已愛民興  
學作士時權閹汪直陳廣以選妃責貢繼至所在需  
索治持正不阿竟爲所中改安東遂棄官歸祀臨淮  
名官家居二紀絕跡公門學使者聘較綱目號霜崖  
先生所著有鳴春集

熊正字正巳成化間貢知永淳縣旁邑富民有毆殺一家三人者獄久不決事下永淳按正核實獄成上下服其明允

黃繡字文卿弘治庚戌進士授兵部主事駐劄山海關儲兵飭備有裨邊政尋陞山東僉事兵備遼東宸濠之變王公守仁舉勤王師聘至軍中計事疏捷上名詔賞銀二十兩爲人剛耿有氣槩遇事不回好稱人之善年六十五卒

孫信字朝望弘治壬戌進士授南京工部主事上疏言時事十六條大要節財罷無益言其

會士官高才恬勞扇亂備索之急才計窮悔禍乃止解仕歸居家推引後學與郡守徐問賡咏以詩文名家所著有鷺沙集

孫佐字朝相號南洲與兄偉同舉于鄉登正德戊辰進士知建陽縣有聲刊布二程全書陞知賓州時入寨酋負固卑驕馴服之屬監司構隙謫知浦江縣六年庭無留事歷審知太平府直指使每以練達稱之有番僧奉差迎佛多不法械其黨送院其卓見不阿類此卒官德慶州

聶仕字本學正德丁卯舉人漳州府通判平海劇寇

所獲金帛悉籍於官視郡篆反風滅火禱雨濟旱以  
父喪感疾卒漳人思其廉惠祀之

龔守愚字師顏正德辛未進士筮仕貴池廉慎威惠  
陞南工部歷任雲南陝西提學副使掄士公而明崇  
尚行節士類激勵陞湖廣叅政卒於官年四十九家  
無餘貲垣屋不治為文章典勁尤邃理學所著有臨

江先哲言行錄

聶璜字鳴卿正德丙子舉人授嘗德通判監司愛其  
材事有大且難者檄使治焉再補黃州平寇羅田有  
奇功陞順德同知三月致仕家居周貧有義田聯族

清江縣志

卷之七  
人物

有家約寇婚喪祭悉遵古禮郡中稱為長者年七十  
卒

敖英字子發號東谷幼罹誣訟遨遊江湖間苦志績  
學淹貫百家正德庚辰中會試辛巳授南工部主事  
遷禮部郎中出督學陝西河南歷任藩臬有聲以四  
川右布政致仕自為督學力抗師道所至直行已志  
人不敢干以私與羅文恭鄒文莊友善講學相資獎  
掖後進著綠雪亭心遠堂詩文等集名為東谷十書  
後學傳播通志大名賢傳

龔亨字有孚正德庚辰中式明年大對授南刑部

姚皆舉人

杜欽德字子敬嘉靖戊子舉人中式後耻事于謁從  
呂涇野黃久菴講學留都奔父喪哀毀失聰任兩淮  
鹽運司運判建五港閘復安東之屯商竈稱便陞知  
蜀雅州時人才素乏加意作興茶商苦天全六番爲  
暴約招討司嚴番禁歲饑民賴賑活者衆立祠祀焉  
著有南雍會紀寓台稿梅江集

鄧恕嘉靖間貢廣東遂溪知縣課最調福建武平縣  
終任不携妻子蔬食菜羹以儉約爲士民倡門無苞  
苴庭無寬滯竟落職去卒祀武平名宦

清江縣志

卷之七  
人物

二十九

王治字原道號東泉嘉靖甲午舉人知績溪縣邑冲  
疲乃汰冗刷秕以賑民窮六年報滿獄疫熾當道疑  
其峻刑論之遂拂衣歸賦詩云匹馬春風二月餘蕭  
蕭行李數肩書問渠抗疏金門者識我歸時景象無  
林居二十年不替編摩求詩文者盈戶

陳士選字用之嘉靖甲午舉人知浦江縣興學賑饑  
百姓見德鄉有土田不均議丈者格于勢豪獨力行  
之竟以是忤權要去補靈壽縣條馬政利病雪冤滯  
會當道取狐皮千計鄰且有饋線裏費者公獨否改  
廬州府教授家貧不能構一室所至以清節著

會典以貢授學溪知縣孫益相率歸化服屬  
埔縣清田各縣侵田以千計通判廣州府  
簡平武勞勳茂昭加授同知銜致仕孝事繼母友季  
弟辭官田爲褒忠祠祭祀子仕通判孫遷隆舉  
舉人曾孫曰琬恩選

熊遠字子漸嘉靖甲辰進士授刑部主事錄囚江南  
時稱勅使第一歷官粵憲時廣寇張璉僭號公條陳  
兵食至計卒獲成功及爲浙藩浙方多事帑藏空虛  
乃杜請托抑僥倖胡撫敗衆慮客兵爲變公支芻餉  
以慰之變用潛消著有詩經便曉家約譜牒孫孟淳

事人

彭惟享字子成宋忠肅公龜年之後少有才譽舉嘉  
靖丙午鄉試謁選嚴州司理多爲囚求生不以擊斷  
賈譽辛酉爲書經考官柄臣有所私不應秩滿陞寧  
國貳守尋擢南兵部職方郎留都多隙地爲盜藪設  
法巡禦悉中機宜後人遵行之以勞疾卒于官子而  
听貴贈奉政大夫

成譽以貢任金華府訓導南陽縣教諭致仕性廉  
孝讓產庶弟捐資創宗祠祭田以贖族追遠其

治家嚴肅子孫侍立不敢越



晏仕翹字應鑾嘉靖乙丑進士松江府

過徐元宰門輒下車公獨不可時論

為郡尋謫滁州判官陞知太倉州未任卒

錢天挺字子松隆慶己巳恩選初選邵武通判未任

內艱補亳州同知監修高家堰又委濬黃河錄功優

叙賑濟定遠天長各縣泗壽和三州撫輯流移

異陞沁州知州未任卒于亳亳人思之祀名宦

程達字順甫萬曆丁丑進士初令崑山莊家區有石

田千頃民困逋額率他徙即履畝相蓄洩築堤二百

清江縣志

卷之七 人物

三

餘里遂稱樂土號程公堤再令仁和釐弊清耗民盡

樂輸擢御史按粵首疏中官張鯨負寵不法次疏外

戚鄭昌領度支錢至二萬宜杜芽塞萌疏上直聲動

中外出守泉州擒倭紀錄憲副汀漳有宦者擾民申

挖金取馬之禁摧總憲貪墨望風解綬晉浙右藩轉

黔左加太僕卿致仕所著有警語類抄行世

蕭以裕字守弘萬曆己卯舉人教諭松溪溧陽遷宜

都令沿江民以砂金為生實貧困會開採令下中涓

橫索欲沒淘砂戶千家為力請于臺司得免秩滿遷

惠州同知署篆有廉聲擢郡得真之廣西平州郡



之猶張目云無慮可澄遂卒公天資既高又與呂東萊張南軒遊講切學問大抵行已誨人無非正心修身反躬踐履之要所著有曾子內外禘篇七卷續說苑十卷訓蒙愚莊祭儀時令諸書若干卷學者稱之為許春先生

向子諲字伯崇本開封人居清江丞相敏中五世孫憲肅皇后再從姪也元符三年以後復辟恩補假承奉郎三遷知開封府咸平縣豪民席勢犯法獄具上尹盛章方以獄空凱賞却不受子諲以聞詔許自論決章大怒劾以他事免官宣和初復官除江淮發運

清江縣志 卷之七 人物

司主管文字召對除淮南轉運判官淮南仍歲旱漕不通有欲濬河與江淮平者內侍至其議無敢可否發運司檄子諲行子諲曰自江至淮數百里河高江淮數丈而欲濬之使平決不可曩有司三日一啟開故水不乏比年行直達之法加以啟閉無節堰閘率不存今復故制嚴禁約則無患矣使者用其言漕復通運秩一等建炎元年遷直龍圖閣江淮發運副使時金人犯亳州子諲以書遺金人言兵勢逆順令退保河外金人遽以毫宋等州守禦所牒報之約日索戰幣極不遜諸道兵畏縮不進時康王次濟州子諲

七開曹得應天教授轉南雍助教遷南刑部主事力  
振風紀有貴家大賈積勢彌縫雖在別司請速治之  
如法望日起無何外艱歸服除補北工部時水衡金  
錢久爲中貴窟穴公首治奸商滑吏不稍假會郊祀  
肇舉諸費卒然倚辦舖商營求中官支領冒破公條  
陳指切遂百計中公一日爲群闕所持幾不免公䟽  
上且不測得降調歸尋遭內艱未幾楊左被逮人言  
危甚公處之夷然今

上登極起南吏部考功郎中壬巳巳京察公車而南  
杜私抑律特奏媚璫二十人進退維谷人莫能奪竟

清江縣志

卷之七  
人物

以勞疾卒于官嘗輯兵志未就著詩文若干卷

祝耀祖字述卿中萬曆癸卯丁未初筮令崑首治豪  
猾夙邁悉登均役築堤永爲民利罷工垣彈劾無所  
避嘗發白養粹姦狀後果敗如其言會遼警戒嚴公  
揭榜禁門稽察風衛

上取榜入覽喜曰巡視正宜爾尋中忌口以魚臬出案  
居十年卒有工垣疏草行世子應熊舉人

隱逸傳

宋

胡至隆字藏之父家嘗以治平進士官邑令至隆讀書壯為王氏學遂不事科舉政和初上封事以布衣召未及對歸

揚無咎字補之以詩學薦試禮部不供不復事舉子業游騁翰墨得歐虞筆法善作墨梅有進之阜陵者上笑曰村梅也因自名村梅有詞集行于世

魯澣字子明力學強記尤精於易喜吟咏嘗與向子諲為詩社既拾節子諲念不置和中秋詩有點簡惟

清江集

卷之七

三五

無姓魯人之句初澣有城園數畝日事種植內栽含笑花數十株因自號笑塢老人

元

徐必茂字幼學宋亡必茂以父鄉孫宋侍郎不欲仕會有薦為長沙太守抗薄安慶路同知皆不就以妹妻故友亦相了隱至大庚庚辛

從本字伯源博學善屬文克土篆隸武宗時被召至京師不就去之隱居武夷山中只微不赴至至嘗獲召翰林待制至杭州稱疾固辭而致書于丞相曰萬事台為一理以苦民今為一心以千載台為一

日以四海合爲一家則可言制禮作樂  
王之盛矣遂不行本湛靜寡欲平居書冊未嘗釋手  
天文地理律曆度数靡不通究嘗與虞集書自稱著  
書以究皇極經世之旨集爲撰思學齋記所著有四  
經表義六書通編十原等書學者稱爲清碧先生

國朝

劉永之字仲修其先許州人隨高宗南渡遂居清江  
家故裕自奉儉素刻意於學工篆隸行楷善屬文元  
至正間父應奇知歸州嘗侍至京諸公交與  
自以重聽不就日與郡士楊伯謙彭聲之梁孟敬諸

清江縣志

卷之七  
人物

三六

賢講論性學 國初應召編禮書成以疾辭歸自號  
山陰道人所著有山陰集練先生跋其遺墨有詞翰  
獨步節行高世之稱

彭鏞字聲之龜年七世孫讀春秋通大義工詩與郡  
人楊士弘裴慶雲輩結詩社虞集見而奇之曰臨江  
詩道之盛他郡莫及性嗜酒晚號清江酒民所著有  
蕙穠稿號匏菴道人

韋德顯工於詩早孤家貧嘗至京詠重陽詩有曰  
在金臺卽天上更於何處去登高詩家多愛惜之  
年瓶無儲粟非其人乞詩不應

黎慎字克輝童子時爲歌輒有奇語長從梁寅遊博  
通群籍落魄不羈工詩得大家體永樂初應明經  
召至京授以職不就遂乞歸年四十二卒弟恬輯其  
遺稿梓之

陳德雍號龍潭老人潛心古學邈世無悶聘君吳康  
齋雅敬重之南海陳白沙嘗以周易疑義質於康齋  
康齋曰過清江可叩龍潭老人白沙如其言來謁適  
雨中荷笠犁田相見延至家對床信宿辨折疑難白  
沙嘆服而去

黃明善性醇恪早孤能自得師歷覽西銘或問伊維

淵源有妙悟卽心維手記不置詩易會其大旨嘗以  
三禮疑義往質新喻符觀盡聞所未聞屢空晏如不  
干仕進與孤姪雅情以篤孝稱于時宗祠時祭制爲  
品式雖蔬蕘心設鄉閭至今以爲楷云

藍爵字

遺稿

易成字公烈好學隱居有新溪遺稿

孝友傳

唐

魯季文貞元間廬墓山中每患汲江水稍遠忽一鹿於廬側跑地得泉人以爲孝感因名虎泉

宋

劉師文性至孝其母得末疾遽殆師文與其弟爲壇禱之乞捐已壽延母筭已而果瘳有子昌詩登開禧進士

趙孟玖宗室子母病殆孟玖割股和藥進病輒愈有司表其門曰篤孝

清江縣志

卷之七  
人物

三十八

國朝

龔紹博性孝父病篤藥弗效紹博朝出拜禱於十廟暮歸割股爲羹以進之父病卽愈竟以壽終邑人稱孝子云

王觀泰州人元祐間為司諫極言章惇黨邪害正惇竟坐罷擢中丞復論惇謫居清江

任詔字子嚴蜀人歷令守部使所居有正翁後退居清江築圃富壽岡之傍扁曰盤園堂曰高風有盤園

集高風錄皆郡賢所賦詠云

胡思誠字達孝澶州人遊清江家焉知安豐軍前守地法邊境多盜思誠廉實悉擒之淮西諸司上其狀除知濠州尋乞奉祠歸所著有溶溪集若干卷

清江集

卷之七  
人物

四

王光祖字仲顯睢陽人叅知政事堯臣之五世從孫祖身建炎末守臨因家焉光祖孝友坦易喜讀書居官廉勤有志事功及知衡陽受知部使者嘗檄攝郡又辟守昭潭丁內艱廬墓服闋擢知瓊州嘗病廣立法不便光宗即位乃以光祖為都提舉兩路鹽法監行公私使之卒於官

文陸字遜志廬陵人宋丞相天祥弟瑩之次子也下辟破執諸子死以陸為後璧為元惠州總管陸家為皇慶間授集賢直學士代祀學實卒於

官系官延平路總管

楊士弘字伯謙其先本襄城人元初萬戶仲明之孫也  
也以世官占籍清江少嗜學所交皆鉅儒工樂府諸  
詩有鑑池春艸集嘗選唐詩題曰唐音凡一千三百  
四十一首行於世

吳臯字舜舉臨川人宋履齊丞相六世孫早師吳澄  
得爲學之要文章森嚴有法教授臨江遂占籍焉有  
吾齋類稿行於世從子均擢<sub>中</sub>所著有新增  
復古編

周恒字道成其先開封人淳熙間曾大父繪通判臨

江因家焉恒聰敏嗜學通蒙古字書薦爲東官伴讀  
下外艱甫歸元末兵變郡城陷恒倡義旅復郡大府  
上其功授義兵千戶江西失守落職教於鄉洪武初  
撰編禮書成辭歸有樗隱集



不知何許人相傳清江未建郡縣時有魯姓者  
風義甚一日忽至人皆奔竄魯抱長子而提其幼  
子行不遠前知縣陳故魯云幼子妾所生長子前室  
所生夫亡時令妾養視之冠義之厚遺而去其地至  
今名風義堡

陳氏以人劉式妻自幼賢慧爲父鄴鍾愛初式游  
學鄉里愛之式爲郎中卒或勸陳多置產爲長久計

清江雜記

卷之七  
人物

四

陳嘆曰丈夫官貧藏書數千卷遺後此墨莊也安事  
隴畝諸子習學有怠則爲不食課是諸子植立海陵  
胡暖叙其事長子蚤卒四子繼登第皆爲郎官孫二  
十有五人皆雍容貴弟縉紳稱爲郎官家云

謝小娥不知何許人父爲廣州兵官部押金銀入京  
樵家附舟過蕭灘二甲許遇賊被害小娥溺水獲免  
日附魚舟而出行乞於市後爲塩商李員外家傭奴  
娥見其酒器皆父物悟向盜乃李也心銜之俟生日  
暴家酣醉娥持刀盡殺之事聞命以官不受願爲尼  
寺建寺於之郎報恩寺是也

元  
廖氏名淑貞新喻人適郡城譚采采父濟爲零陵縣  
尹病劇采泣于天請以身代父病尋愈而采歿年  
二十七矢事舅姑且教二子長逢辰爲來安路學正  
次逢原爲鼇溪書院山長虞文靖公作談孝子廖節  
婦墓銘天曆中詔旌其門采從弟道亨力學爲濂溪  
書院山長陞贛州路儒學教授子逢泰字元凱當壬  
辰之亂率義兵禦寇於城門外戰不勝歿之人以爲  
一門孝義云

陳氏筠陽人年十七而臨江萬戶楊士安之弟士寧

清江縣志

卷之七  
人物

四三

士寧爲保定千戶戍封州以卒母趙氏誓不能視陳  
年二十一誓不他適養其姑八十餘以天年終喪塋  
無違禮部使者以聞詔旌表其門復其家虞集爲作  
貞節堂記

國朝

范氏惇之孫博通經史洪武初召爲女史授孺人爲  
宮中姆帥一曰高后問前代后孰賢家法孰正  
以宋對因命錄進更前聽之凡降內制多范爲定

高后問前代后孰賢家法孰正以宋對因命錄進更前聽之凡降內制多范爲定

熊氏適同里黃寬爲慶元儒學訓導未幾卒熊年二十五遺孤黃蘭生七月人或諷之更適曾號訴夫忝風教官吾豈甘爲狗彘耶守志五十餘年終伍氏龔祿妻祿歿伍年二十五遺孤二家有利產逼嫁者伍誓志不從紡績自給迨奉翁姑事塋無違禮居四十餘年卒

敖氏敖資節女適新喻章憲樂年二十九憲樂歿遺孤錦幼敖矢志教成爲崖州知州家故裕食蔬衣布朴如也年餘七十事聞 詔旌其閭

吳氏杜氏吳聶元妻杜則元弟祥妻也元卒於商吳

年方二十六解簪珥旅櫬歸塋撫遺孤聶璧有成事翁學正聶榮姑黃氏始終一以禮貞操無間言祥故侍杜年方二十九亦貞白自勵事聞 詔旌其門曰

雙節

龔氏熊鵬妻嘉靖四十四年流賊劫掠村落龔抱一歲兒出避被執驅以行龔罵賊不肯行賊怒背刃懼之罵益力賊以槊木截其脇歿乳兒在懷中竟同歿族人知州一鵬賢而哀之有傳

杜氏舉人王貴蘭妻貴蘭會試卒於京杜年二十一聞變痛哭終日不食欲歿家人誦備之不得歿或諷

之改嫁輒悲號曰吾夫行萬語以姑付妾妾忘背他日歿不見夫耶窮且益堅孝養備至育夫兄幼子爲嗣紡績訓之年七十卒

鍾氏楊中達妻中達商楚卒鍾年二十六聞訃哀號欲絕立木主室中抱孤天衢哭且奠之且暮以爲嘗時姑黃氏亦嫠居織布鬻珥爲養郡守馬文學題其堂曰貞慈年九十餘

葉氏黃一和妻一和死葉年二十二矢志不二家故貧養姑撫孤紡績自營年七十卒嘉靖間奏聞表

閭

清江縣志

卷之七  
人物

四七

鄭氏劉氏鄭邑庠生黃睿妻睿歿鄭年二十一守節年至七十餘劉雷冲禮妻冲禮歿劉年二十七守節年至八十餘

陳氏土塘羅某妻嘉靖辛酉粵寇流劫至清江河以東殺掠幾遍陳氏爲賊所執逼污不從遂遇害以孤貧格於上閭方伯熊公達表其閭曰孤村貞烈廖氏閭山黃巷黃某妻爲流寇所執脅以刃欲污之不從罵賊而死以無子黃氏祀之于宗

皮氏鎮人黃裳妻裳商於楚而委家事於皮克承其志時年三十二而裳爲黨正是名苦彼

爲膏徒所折辱裳義不受辱自溺死慶氏號慟幾絕  
七日身殉而裳父母俱有藐孤方處翁若媪責以大  
義始忍死以盡孝養病則躬調藥餌及卒殮塋皆如  
禮雖備極勞瘁弗恤也猶力貧支憊以教其子十攜  
達負俊才崇禎丙子爲鄉舉第一人始解順曰此  
亡人志也未幾卒年六十四



今玉虛觀尚有仙茆遺種土人又去掘土可得丹砂  
大小不一狀長史又嘗遇仙女張麗英今黃岡有仙  
女塔  
楊救貧有仙術嘗爲慧力寺卜向瘞錢于土以爲証  
後其弟子司馬駝復至仍定向於此以竹枝插之亦  
中錢孔之中枝遂生花人咸以爲瑞云

釋

善周禪師慧力寺僧有智慧宋元祐元年十二月望  
沐浴淨髮說偈曰山僧住瑞筠未嘗言一句七十三  
年來七十三年去言畢而逝五日後鬚髮再生見五

清江縣志

卷之七  
人物

五十一

燈會元歸寂之地在今城東二里善嘉橋真身現在  
後人因爲立塔

海印禪師慧力寺僧相傳水濱石龍蜿蜒長袤鱗甲  
悉具與慧力寺古刻木龍俱爲惟禪師以銅釘釘木  
龍誦經運雷擊石龍一夕雷震碎之

黃半閒慧力寺僧能詩洪武初被召至京應制賦  
陵春曉詩稱 旨賜紫金欄袈裟歸其詩云五雲  
鎖鳳凰城海宇清盜旦氣平錦繡山河霞彩動金銀  
宮闕日華明御溝垂柳雙鶯嚶官道飛花萬馬鳴  
向西虹橋上望分明遐思接蓬瀛

劉空碧證興寺僧洪武初召至京試鍾山曉望詩  
上大稱賞賜玉帶袈裟而歸邑人張美和贊余鐸碑  
記具有  
雪印師天寧寺僧博通經史嘗與梁石門劉山陰彭  
匏菴金雪崖爲詩社

清江縣志

卷之七  
人物

五

